


COMMENTATIO  
DE INDVLGEN-  
TIIS ECCLESIASTICIS, PER  
Theses explicata, & in Academia Ingolsta-  
diana publicè proposita.

MATTH. XVI.

Quodcumq; solueris super terram, erit solutum & in cœlis: etc.



Ex Typographia Vucyssenhorniana, Mense Maio, Anni 1566. +



מחרגום סוריא  
מח תחית מאריא. שפטי ד



יד ה' לאונד' φέτορ. α. ι. δ.

Ecce id Leone fortius: Ind. 14:

Λδίσποτορ.

Τεῦ χάρις ὡς ἐλέωμ' ἵσκη γναθμοῖσι καὶ ὄσσοις,  
γοργόε' ἰδῶμ, καθόλου καὶ μὲν θ' αἰπὺ πνέωμι  
σημαίνω πάντεσσι, ὅσοι θυμῶτε καὶ ἀλκῇ,  
αὐτοσί, τῶν λοιπῶν τετραπόδωμ προέχω:  
τόσσοι δ' βαυεῖν ἀρχωμ' ἢ γὰρ τοσάτ' ἄλλα  
ἡβῆσι, καὶ συβίῃ πάντας ὕπνεσσι πεταταλ.

# DE INDVLGEN- TIIS THESIS.



I.

OENAS, REMISSA CVLPA, NON  
nullas manere reliquas, fides prædicat, Scriptura  
clamat, unanims Patrum consensus comprobat, &  
ipsa deniq; quam assidue patimur, miseria, apertissi-  
mè confirmat.

II.

Est autem pœna isthæc bipartita, altera Medica,  
altera Satisfactoria: Hæc fontes & peccatores ad patratorem scelerum  
expiationem exercet: Illa Iobis, Thobijis, Paulis, & alijs eius perfectionis  
Heroibus, uel ad meritum conaugmentationem, uel certè ad futurorum  
lapsuum cautionem, diuinitus infligi solet.

III.

Quò fit, ut medica illa, neq; temerè auerti, neq; facili negotio in alteram  
solita sit commutari: satisfactoria uerò, siue ultrò pio animi studio susci-  
piatur, siue aliundè in malorum uindictam irroganda timeatur, & auer-  
tenti, & per aliud idòdυνάμειον compensari, & nonnunquam etiam an-  
te tempus præstitutum, potest aboleri.

IIII.

Ceterum, ut legalium suppliciorum alia sunt legitima et ordinaria, alia,  
ob facinorum quorundam atrocitatem, extraordinaria, ita quoq; diuine illæ  
peccatorum ultrices pœnæ, tametsi ut plurimum secundum æternæ legis  
prescriptum pendantur, interdum tamen etiam uia extraordinaria, ad su-  
premi iudicis arbitrium inferuntur.

V.

Porro autem, quæ de pœnarum satisfactoriarum diuersitate hic monui-  
mus, eadem de pharmacis & medijs, quibus eas ipsas pœnarum reliquias  
exhaustire oportet, suo quoq; modo intelligenda & accipienda censemus.

VI.

Media ordinaria appellamus, quæ iuxta diuinæ sapientiæ institutionem,  
A 2 præfinita

prescripta lege, certisq; rerum euentu operantur, ut Sacramenta & sacrificia: Contra uero, ea uocamus extraordinaria, quæ tametsi nunquam sine fœnore adhibeantur, haud tamen certum illum, & indubitatum remissionis sortiuuntur effectum. cuius quidem generis sunt, preces, ieiunia, eleemosynæ, uigilie, & aliæ id genus corporis macerationes quàm plurimæ.

#### VII.

Rursum inter memorata illa media, quædam tam insigni cumulata sunt uirtute, ut culpæ simul & pœnæ, licet non ex æquo, ancillemur depellende: reliqua uero per modum iustæ commutationis, soli pœnæ, post reconciliatorem reliquæ, præscribende & exterrende deseruiunt. Prioris generis sunt omnia nouæ legis Sacramenta, posterioris uero cetera omnia, quibus secundum iustitiæ commutatiuæ normam, debita exoluimus, siue id fiat ex proprio, siue ex alieno: Vtrunq; enim receptum est, & rectè fieri potest, quamuis non pari merito.

#### VIII.

Atqui ut meritum hic obtingit diuersum, ita etiam nō idem omnium, proprijs impensis satisfaciendum est studium: quidam namq; tanto sui puniendi, debitiq; exoluendi feruntur desiderio, ut ultroneis corporis cruciatibus, & ὑπερβολῇ satisfaciunt: alij uero quamuis iusta mensura, priuatisque sumptibus id ipsum quoq; præstent, non tamen tanta animi alacritate, neque propriæ uoluntatis impulsione, sed Confessarij sacramentaliter absoluentis, & pro delicti qualitate multam imponentis, iudicio.

#### IX.

IAM uero de Indulgentijs, hoc est de eo satisfactionis genere, quod ex alie non potissimum impenditur, deinceps acturi, primo omnium constituendum est, quid nam Indulgentiarum nomine intelligatur: Nam licet res ipsa Apostolicis etiam secularibus non fuerit ignota, tamen quòd pacis, humanitatis, uenientie, misericordiæ, condonationis, remissionis, et alijs eiusmodi uocabulis familiaribus, quàm Indulgentiæ nomine significaretur, exorti sunt nouissimis hisce temporibus, qui ex uocis nouitatem insimularent, & ipsam etiam rem in odium, atq; adeo in apertum contemptum adducere satagerent.

#### X.

Est itaq; Indulgentia, legitima, & ut ita nobis loqui liceat, extrasacramentaria quedam pœnarum temporalium, post iustificationem reliquarum, condonatio.

#### XI.

Ex qua quidem explicatione illud comprimis manifestum fit, Indulgentiarum

tiarum obiectum pœnas esse non culpæ, saltem mortales: & proinde formula illas Veniarum, plenam culpæ iuxta ac pœnæ remissionem promittentes (etiã si aliquo in sensu defendi queant) non usq; adeo certæ fidei atq; originis existere. Equis enim mortalium extra Sacramenta crimina lethalia remittat: uel mortuus peccato, pro peccatis Deo Opt. Max. satisfaciat?

XII.

Ceterum dum pœnas temporarias Indulgentiarum materiam constituimus, non id de incommodis naturæ nostræ insitis corporisue morbis, aut Ecclesiæ Catholicæ censuris intelligimus, sed de ordinarijs, iuxta legis diuinæ sanctiones, uel hic per satisfactionem, uel certè in altero illo seculo per satisfactionem exoluendis. Nec quicquam omnino referre putamus, si uine pœnæ istiusmodi pro delicti grauitate, in secreto pœnitentiæ ferro, iuste iam impositæ, an olim pro summi Iudicis uoluntate imponendæ, & exigendæ, ex æquo namq; dum absolutè conceduntur, ad utraq; faciunt.

XIII.

Vnde non minùs hallucinati deprehenduntur, qui insignem hanc Christi benignitatem, ad iniunctas tantùm satisfactiones adstrinxerunt, quam qui omnem eius uim & energiam, in foro hoc exteriori modo & ecclesiastico, contineri & præfiniti uoluerunt. Nam ut hij à minimis hic absolutos, ad grauissimos Purgatorii cruciatus præcipientes agunt, ita illi, præter multa alia, non parum absurda, quæ ex sua illa imaginatione consequuntur, Venias illas plenarias, quæ subinde conceduntur, & innocentiam baptismalem dignis pollicemur, uanas, apertèq; falsitatis reddunt suspectas.

XIII.

Fatemur interim olim, cum pœnæ illæ satisfactoriæ, quantum iudicium humanum decernere poterat, criminum grauitati commensurabantur, et Canones illi pœnitentiales, suum adhuc robur integrè obtinebant, præfixam illam de iniunctis pœnis condonationem, aliquanto iustatorem fuisse, altera illa absoluta & illimitata, cuius nunc frequentior est usus.

XV.

Neg; tamen id uel nostris uitio debet uerti, uel in antiquis illis usq; adeo mirum uideri: nam ut primæ uel illius ætatis Christiani, pietatis erant studiosissimi, & operibus pœnitentiæ addictissimi, ita eorum duces rati, quod res erat se minus officio functuros, si paratis ad dignos pœnitentiæ fructus, dignos non præscriberent, tantos ut plurimum iniungebant, quantos iustitia diuinæ abunde satisfacturos probabiliter credebant, etiã si non semper ad amusa-

Ad scopum attingerent: Nunc uerò contra temporis & imbecillitatis hominum habita ratione, minime se frè imponuntur. Atq; utinam tamille illæ satisfactiones, non usq; adhuc, sed commodè, contra morborum radices imponerentur, impositæq; bona fide exoluerentur.

#### XVI.

BASIS PORRO & fundamentum, quibus totum hoc Indulgentiarum ædificium incumbit, non est Ecclesiæ autoritas sola, ut quidam opinati sunt, neq; ætærium eiusdem spiritale solum, ut defendunt alij, sed utrunq; simul.

#### XVII.

Etenim ut Christus Iesus Redemptor noster non frustra, totos triginta tres annos, tot labores exanclauit, ita Apostolorum Principi nequaquã frustra dictum fuit, Tibi dabo clauces regni cælorum, & quodcunq; ligaueris super terram, erit ligatum & in cælis, & quodcunq; solueris super terram, erit solutum & in cælis. Et alibi denuo. Pasce oues meas: Pasce agnos meos.

#### XVIII.

Iam uerò diuinam illam ligandi atq; soluendi potestatem, non ita ad eulparum relaxationem esse coarctandam, ut pœnarum promeritarum remissionem penitus excludat, id præter uniuersalem totius Ecclesiæ consuetudinem, iam inde à temporibus Apostolorum inchoatam, & fida traditione usq; ad hanc nostram etatem propagatam, & concordem Sanctorum Patrum sententiam, Scripturæ ipse tam aperte ostendunt, ut quidam etiam primæ notæ Theologi compertissint, qui existimarent, formalem peccati rationem, in obligatione potius ad pœnam, quam in ordinis priuationis consistere.

#### XIX.

Et quamuis hanc peccati definitionem non admittamus, extra controuersiam tamen est, quod dicimus, nempe sacræ & diuinis literis, familiarissimum esse, ut promiscuè tam noxam, quam pœnam ipsam, archissimo uinculo noxæ coniunctam, peccati nomine significant. Hinc illa: Peccata tua elemosynis redime. Et iterum: Iam non ego operor illud, sed quod habitat in me peccatum: & sexcenta eius generis alia.

#### XX.

Hic & illud, non exigui sanè roboris firmamentum quoque accedit, quod Christus Deus ac Dominus noster Apostolis, & legitimis eorum successoribus,



bus, hanc soluendi atq; ligandi potestatem faciens, non dixerit, quoscunq; a peccatorum macula absolueritis, absoluti cruite, sed meditatius, quodcunq; inquit, solueritis, siue id crimen fuerit, siue aliud quoduis ex crimine consecutum, solutum erit & in caelis.

#### XXI.

Rursus nemo omnium, uel leuiter in sacris uoluminibus uersatus, nesciuit, quin Ecclesia Catholica ea polleat, semp̄q; praedita fuerit autoritate, ut pactis ecclesiasticae turbatores, diuinæq; legis prauaricatores iure optimo potuerit punire, certamq; puniendorum uitiorum normam, suis ministris praescribere, quemadmodum etiam re ipsa plurimos iam olim saepe puniuit, plurimosq; de puniendi ratione canones addidit, & olim forsitan editura est.

#### XXII.

Nunc uerò cum soluere & ligare, claudere & aperire, unius planè eiusdemq; potestatis actus semper fuerim habiti, consequens sit, eandem quoq; Ecclesiam ab iniunctis poenis posse absoluerè, & sponsi sui exemplo edocetam, nonnunq; etiam ante tempus praefinitum debere absoluerè.

#### XXIII.

Ceterum quando iuxta ueram germanamq; Scripturarum interpretationem statuimus, Ecclesiam accepisse potestatem remittendi peccata in solidum, & quò ad culpam, & quò ad poenam, non est putandum eodem omnino modo accepisse illam potestatem, sed alio atq; alio, iuxta uniuscuiusq; uim atq; naturam.

#### XXIII.

Vis autem atq; natura peccati mortalis huiusmodi est, ut absq; gratia, animo expelli non queat, gratiam autem ministri Ecclesiae (ut alias quoq; ostendimus) sine Sacramento conferre non possunt. Poena uerò temporalis (de ea enim nunc agimus) quod recentem gratiae infusionem non requirat, sed eam iam ante factam ponat, per absolutam Ecclesiae potestatem, uel legitimam thesauri eius applicationem, uel etiam per condignam poenitentis satisfactionem, perinde atq; peccatum Veniale, extra omne Sacramenti ministerium potest remitti, & saepissime etiam remittitur.

#### XXV.

Imò uerò certum est, nullum Sacramentum, secluso Baptismo, per se, & primario contra poenam esse institutum, secundario tamen, quoduis religioso animi

animi affectu susceptum, ad pœne quoq; alicuius depulsionem facere nulli dubitare fas est.

XXVI.

IAM VERO quod præter sacramentariam illam relaxandarum pœnarum facultatem, in Ecclesia Christi existat cœlestis quoddam Gazophylacium, ex Christi & Sanctorum meritis conflatum, unde Pontifex Max. spiritali miserorum inopie subuenire queat, etiamsi latum illud potestatis sue pœlagus, ita Sacramentis haberet alligatum, ut extra illa, nullam ex se prorsus pœnarum remissionem facere posset, id, præter uenerandorum Conciliorum auctoritatem, & concordem Patrum scholæ doctrinam, ratio ipsa tam aperte demonstrat, ut mirum sit alicubi repertos esse, qui istuc inficiari auderent.

XXVII.

Quandoquidem, ut redundantes Sanctorum satisfactiones paululum hic retineamus, cui dubium esse potest, quin Christus Dominus noster siue beatorum & impii-um facta in ratione meriti spectemus siue eadem in genere satisfactionis consideremus, multo plura erogarit, quam totius generis humani exigebat debitum? quippe qui qualibet sanguinis gutta, pro infinitis mundis cœpiose satisfecerit.

XXVIII.

Nunc autem cum tantos sudores non frustra sudauerit, neq; incassum tantum sanguinis profuderit, indubitatum est, uoluisse copiosos illos laborum suorum fructus religiose asseruari, asseruatosq; per legitimam potestatem fratribus et coheredibus suis, siue in Sacramentis siue extra Sacramenta, adiungi & incorporari, & hæc quidem magna sum & admiranda sue erga nos dilectionis argumeta.

XXIX.

Veruntamen, multo maiori, mea quidem sententia, dignum est admiratio-  
ne, multoq; magis suam illam immersum, erga genus nostrum commendat charitatem, quod idem ille Dominus & Redemptor noster longè clementissimus, non solum in carne propria dignatus sit pati & mereri, uerum etiam corpori suo mystico, compatiendi, & suo etiam modo commerendi facultatem impartiri, ita ut iam non tantum caput in reliqua membra, sed ipsa etiam membra, mutuo dilectionis uinculo connexa, in sese inuicem quoq; influant. Non quod eius influxus per se non sit sufficientissimus, sed quod inter alias quamplurimas perfectiones, liberatissimi Ecclesie sue communicatas, hanc quoq; compatiendi & commerendi perfectionem, his, quos ante mundi constitutio-

nem



nem elegerat, ut essent sancti & immaculati, & unum cum ipso & in ipso, communem facere uoluerit.

XXX.

Atq; huc non obscure alluisse uidetur Apostolus, dum ait, se in corpore suo supplere, quæ deerant passionibus Christi: rursum dum corpus hoc mysticum, corpori physico & animato, uel bene constitutæ Reipublicæ, in quibus mutua operum officiorumq; communicatio locum habere solet, subinde comparat assimilatq;.

XXXI.

Est nihilominus immensum inter Christi et Sanctorum merita discrimen, siquidem merita Christi (qualia utiq; capitis & uniuersalis Seruatoris esse decebat) tam in merendi, quam in satisfaciendi ratione fuerunt infinita: Sanctorum uerò, & personalia sunt, & ut meriti naturam induunt, copiosissime remunerata, in alterum transferri non queunt, ut autem satisfaciendi uim habent, si quidem aliqua eorum pars meritis super fuerit, ea quidem alijs applicari & communicari potest, finito tamen & limitato modo, sicut & ipsa quoq; merita finita & limitata sunt, licet interim, quod alia atq; alia noua hinc inde identidem accedant, nunq̃ omnino exhauriantur.

XXXII.

Rursum merita Sanctorum, in meritis Christi, ueluti in radice continentur, & ex ijs, tanquam ex fundamento dependent: Christi uero merita absoluta sunt, & ut in scholis loquimur, omnino independentia.

XXXIII.

Nec obstat his quicquam alicubi scriptum extare, unumquemlibet onus suum portaturum, iustumq; pro operibus suis mercedem relaturum. Rursum omnes seculi huius perpeſsiones indignas esse, quæ cum futuræ gloriæ pondere comparentur, hæc enim & similia omnia de essentiali remuneratione, non de pœnarum temporalium satisfactione accipienda sunt, & eum in modum accipi debere, ne ipsa quidem Scriptura, dum ad mutuam onerum deportationem subinde exhortatur, iustumq; laborum præmium pollicetur, tacitum uoluit.

XXXIII.

Multo uerò minus Indulgentiarum religioni, atq; adeo sacri huius thesauri rationi aduersatur; quod Sancti quotidie impingant, quodq; uix unquam, pro collatis in se beneficijs, ad plenum satisfacere ualeant: Siquidem quotidiani illi nani, sine quibus uita hæc mortalium diu multumq; non pro-

B ducitur,

ducitur, non egent tanta satisfactionum impensa, quamiam pleriq; Sancto-  
rum quotidie, toto penè uite curriculo impendebant: Sic quoq; misericor-  
diarum pater infirmitatis nostræ non ignarus, pro gratuitis illis naturæ,  
uel gratiæ donis, non tam satisfactionem, quàm gratiarum reposcit actio-  
nem.

XXXV.

QVOD VERO ad ararij huius ecclesiastici curam et Oeconomiam  
attinet, ea, ut omnes sani norunt, non est penes profanos Rerum publicarum  
Magistratus, sed neq; penes quosvis promiscue Ecclesiæ Pastores.

XXXVI.

Est autem uel tota, uel magna certè ex parte penes Pontificem Maxi-  
mum, summum totius Reipublicæ Christianæ Hierarcham: Hic est enim  
primarius ille Oeconomus, quem paterfamilias peregrè in longinquum abia-  
turus, constituit super uniuersam familiam suam, ut det ei in tempore tri-  
tici mensuram, & cui uni clauēs regni cælorum contradidit, gregemq; pa-  
scendum, & in commune ouile introducendum commisit.

XXXVII.

Quare licet quæuis diocesis, & quæuis etiam parocchia, suum quoq; ha-  
beat thesaurum, non tamen ceteris inferioribus Antistitibus liberum ius  
est, sibi uel alijs, ex eo thesauro sumptus suppeditare, sed si quid iuris hic  
habent, quod sanè per exiguum est, illud ad auctoritatem remittendi pec-  
cata potius, quàm ad communis ararij dispensationem referri oportere, non  
improbabile est.

XXXVIII.

Imò uerò, ne ipse quidem uniuersalis Ecclesiæ Episcopus, quod bonorum  
Ecclesiæ dominus non sit, sed dispensator tantùm & Oeconomus, non potest  
qualibet ex causa, ex spiritali hoc Gazophylacio spirituales eleemosynas cro-  
gare, sed ex aqua tantùm, & recte rationi consentanea.

XXXIX.

Ceterum, quænam causa Indulgentiæ concedendæ iusta satis debeat cen-  
seri, id propter diuersa Theologorum placita, definitu non usq; adeo pro-  
cliue est. Nihilominus morosiore disputatione posthabita, & suo cuiq; inte-  
grè iudicio relicto, ea satis iusta uideri potest, quæ faciat ad fidei, spei et cha-  
ritatis, cultusq; diuini augmentationem, uel propagationem, siue hunc finem  
sibi constituat proximum, siue etiam remotum.

Quod

XL.

Quod si cum quibusdam antiquis statueremus, inter Venias & earum causas, proportionem necessario debere intercedere, profectò neq; Indulgentiæ ipse nominis sui rationem mereremur, neq; plenariæ ille ullius fore futuræ essent efficaciæ, & quod maximum est, reliquæ omnes forent dubiæ. Et quid enim est Psalmi unius aut alterius recitatio, cum mille aut eo etiam amplius annorum Venia commissa? Sat sit ergo adesse causam bonarum, & rationi consentaneam, etiamsi suo effectui minime uideatur adequata.

XLI.

Porro autem ut indulgentiæ iusta de causa concessæ, secundum concessio-  
nis tenorem & quantitatem ualide sunt, ita qui huiusmodi causas flocci fa-  
ciunt, uel omittunt penitus, nullum omnino emolumentum ex Indulgentiis  
percipiunt.

XLII.

Veniæ præfinito dierum uel amorum numero taxatæ, ad huius cuius spæ-  
cia, non ad alterius seculi tempora sunt reducendæ: Fium enim istiusmodi  
relaxationes, secundum Canonum antiquorum formulas, quibus legitima  
munus erat, pro grauioribus quibusdam facinoribus, septennalem, uel etiam  
maiorē iniungere pœnitentiā, si quidem uita permetteret, in hoc seculo  
explendam, sin autem in Purgatorio, seruata tamen debita pœnarum pro-  
portione.

XLIII.

PROSVNT AVTEM, ut nuper dicebamus, ijs tantum Indulgentiæ,  
qui Deo per gratiam reconciliati, nondum in solidum pro pœnis tem-  
poralibus satisfecerunt. Nec refert quicquam, si uel iam ex vinculis car-  
nis exuti, an intra seculi huius pericula & fluctus etiamnum constituti,  
utriq; enim à triumphantium Ecclesia adhuc exulant, ingressusq; regni im-  
pedimentum, quod Ecclesia autoritate amoueri potest, patiuntur, & de ouib;  
bus Christi, nondum in commune ouile adductis, exiunt.

XLIIII.

Vnde ridicule planè D. Petri, & successorum eius autoritas terræ  
superficie à quibusdam definitur, quod nimirum soluendi & ligandi  
potestatem super terram, non etiam in terra recepisse uideamur:  
quasi uerò cæli & terræ nomine tota rerum uniuersitas, cum om-  
nibus suis partibus, Scripturarum more, non passim significet.

tur, sed certe tantum, eadēque perexiguæ totius uniuersæ partes.

## XLV.

Etenim ut homines, bestias, & reliqua super terræ faciem ut am degeneratis, ex creaturarum numero non rejicimus, dum legimus Deum Opt. Max. fecisse omnia, & quæ in cælo, & quæ in terra, dumq; supplices quotidie rogitamus, sanctam eius voluntatem iuxta in cælo & in terra perfici atque expleri: ita Pontificum quoque auctoritatem à Purgatorijs illis locis non excludimus, dum audimus, ea fere rata in cælo, quæ illi fortè constituisse, super terram, præsertim cum utrobique & Matth. 6. in oratione Dominica, & rursum apud eundem 16. in Pontificiæ potestatis institutione, tam Græcis quam Syris eadem omnino sit propositio, idemq; orationis tenor: his quidem **שְׂרָפִים** illis uero **ἐπιτῆς**, **γῆς**. Deniq; ut maxime Pontifices super terram constituti soluant & ligent, uis tamen absolutionis, ut ad summus cælorum cardines ingenui celeritate penetrat ac conscendit, ita etiam usque ad intima terræ uiscera ac descendere ac penetrare, pro compertissimo habendum est.

## XLVI.

*Paris fere roboris est, quod alij quidam hic obiectare solent, nempe Pontificem Max. inhumanum quiddam designaturum si, eam impedire posset, ullum unquam in illud inferorum noxasignorum pateretur ingredi, aut iam ingressum, vel ad momentum ibidem detineri. Nam ut Summus Pontifex utrunque queat, nulla tamen ratio docet, ut illud subinde facere debeat, importuna est enim omnis illa misericordia, quæ nullam penitus habet iustitiæ rationem. Quare et si clementia principes commendare solet, nemo tamen facîle eum laudaverit principem, qui omnes sceleratos citra ullum delectum impune dimitteret.*

## XLVII.

*Demum in dubium uocare defunctis ne uita, Indulgentiæ profint, aliud nihil est quam totam Ecclesiæ Catholiciæ autoritatem euersum ire. Etenim ut ea preces, sacrificia, elemosynas, ieiunia, & alia eiusmodi pietatis officia, pijs defunctorum animabus applicat, ita etiam illis ipsis, perinde atq; uiuis, diuinum illum misericordiæ thesaurum adiungere solet atq; com-  
municare.*

## XLVIII.

Facemur tamen nonnullum, inter vivos, & piè defunctos discrimen intercedere.

cedere. Nam uim Indulgentiarum presidio à poenarum debitis liberantur,  
per modum iustitiae cuiusdam commutationis: defuncti uero per modum legi-  
timi suffragij: siquidem non sua sed amicorum opera, Veniarum effectui po-  
tuntur. Perinde ac si uiuorum quispiam, infirmitate uel inopia impeditus,  
non suis uiribus aut opibus, sed alterius liberalitate, milite contra Turcam  
comparato, Indulgentias per se aut per alium, contra infideles militantibus  
concessas, forte consequerentur: utrobique tamen iustitia suum quoque retinet  
locum, sit enim quod pro Indulgentijs fieri oportebat, quod tamen per alium  
fiat, id est gratiae, & misericordiae.

#### XLIX.

Consultò misas hic facimus inconditas illas ranarum Aegyptiarum coa-  
xationes, Indulgentiae sunt nouum hominum commutatum, relaxant bonorum  
operum studium, & alia eius farina plura siquidem iam ante fuisse satis ex-  
plicatum est, Veniarum Ecclesiasticarum usum iam inde à temporibus Apo-  
stolorum semper extitisse celeberrimum, licet seruido illo Christi inorum sca-  
nto, multo quam nunc, & infrequeniores fuerint & parciore.

#### L.

Rursus, tantum abest ut Indulgentiae honestarum actionum studia remita-  
rant, ut ea etiam uehementer accendant promoueanq;. In confesso namq; est,  
non paucos earum occasione excitatos, precibus atq; ieiunijs uacare, eleeme-  
ntis erogare, exomologesi facere, Eucharistiae sacramentum suscipere, &  
alia similia, magna animi contentione subire, de quibus ne cogitassent quidem,  
nisi largis illis Indulgentiarum stipendijs, affecti fuissent atq; impuls.

#### LI.

Hoc tamen non obstante, si qui ita comparati essent, ut proprijs manuum  
suarum sumptibus, diuinae iustitiae possint, & uelint in hoc seculo satisfacere,  
longè illi sanè utiliore nauarent operam, si per se contractum debitum  
exoluerent, quàm si saluberrimum illud bonorum operum studium post ha-  
bentes, uel etiam minus strenuè obeuntes, eandem ipsam satisfactionem ex  
thesauro & liberalitate Ecclesiae exhiberent. Quandoquidem Indulgentiae  
ex se quidem solùm habent uim satisfaciendi: opera uero bona ex diuinae  
gratiae benignitate profecta, non tantum sunt satisfactoria, uerum etiam me-  
ritoria, & certa nihilominus contra relapsum peccatorum ἀντιφάσις  
μικρο.

#### LII.

Vnde sint duo parium aliqui meritum, quorum alter proprijs, alter

alienis satis faciat sudoribus, dubium nullum est, quin is, qui suis satis fecerat  
impendijs, multo maiorem gloriam olim, in celesti illa patria sit accepturus,  
altero illo, qui ex alieno poenas promeritas maluerat redimere, q̄ sanctis illis  
poenitentiae operibus quoquo modo incumbere. *Laudes Deo.*

**SVB PRÆSIDIO THEO: PELTANI**  
**D.Theo: ad has Theſes respondebit M.Petrus**  
**Damianus, SS.Theologiæ Baccalaureus.**

*Amice Lector, ne uacaret hæc ultima pagella, subuit hic adſcribere decretum Leonis decimi de Indulgentijs.*

*Bulla Leonis Papæ contra Lutherum.*

**L**EO Episcopus seruus seruorum Dei, dilecto filio Thomæ titu, S. Sixti, ad charissimum in Christo filium nostrum Maximilianum Imperatorem, electum, nostro & Sedis Apostolice legato. Salutem & Apostolicam benedictionem. Cum postq̄ circumſpectio tua Germaniam applicuerat, ad aures nostras perueneret: q̄ nonnulli religiosi, etiam ad Euangelizandum uerbum Dei deputati, super indulgentijs a nobis & Romanis Pontificibus, prædecessoribus nostris ab immemorabili tempore citra concedi solitis, publicè prædicando, multorum cordibus imprimerent errores. Idq̄ nobis intelligere nimis graue & molestum esset, alijs nostris literis eidem circumſpectioni tue (De qua propter eius singularem doctrinam, & in rebus agendis experientiam, specialem in Domino fiduciam obtinemus) commisimus, ut auctoritate nostra, approbatione digna approbares: ea uero quæ minus rectè dicta essent, etiam per eos qui Romanæ Ecclesiæ doctrinam se sequi paratos assererent, reprobare & damnare curares: Et ne de cætero quisquam ignorantiam doctrinæ Romanæ Ecclesiæ, circa huiusmodi indulgentias, & illarum efficaciam allegare, aut ignorantie huiusmodi prætextu, se excusare, aut conficta protestatione se iuuare: sed ut ipsi de notorio mendacio conuinci, & merito damnari possint, per præfentes tibi significandum duximus, Romanam Ecclesiam, quam reliquæ tanq̄ matrem sequi tenentur, tradidisse Romanum Pontificem Petri clauigeri successorem, & Ihesu Christi in terris Vicarium potestate clauium, quarum est aperire, tollendo illius in Christi fidelibus impedimenta, culpam scilicet & poenam, pro actualibus peccatis debita